



Broj: 02-04-872/22-AP-4  
Datum: 29.03.2022. godine

OPĆINSKO VIJEĆE ZAVIDOVIĆI  
n/r PREDSDJEDAVAJUĆOJ OPĆINSKOG VIJEĆA  
gospođa Erna Merdić Smailhodžić

PREDMET: Odgovori na vijećnička pitanja sa 14. sjednice Općinskog vijeća Zavidovići održane 28.02.2022. godine, dostavljaju se

Povodom vijećničkih pitanja postavljenih na 14. sjednice Općinskog vijeća Zavidovići održanoj 28.02.2022. godine, dostavljamo odgovore na iste kako slijedi:

#### 1. VIJEĆNIČKA PITANJA VIJEĆNIKA MIRSADA BEČIĆ

1. Vijećnik Mirsad Bečić: Na osnovu člana 8. i člana 166. Poslovnika o radu Općinskog vijeća Zavidovići podnosim vijećnička pitanja koja glase:

1. Tražim od nadležne službe da nas kroz odgovor na ovo pitanje informiše sa stanjem procesa u vezi realizacije izgradnje kružnog toka na raskrsnicama Krivaja-ušće i kod zgrade Raiffeisen banke.

Ponukan izjavama članova vlade ZDK da će se u ovoj godini investirati oko 20 miliona maraka u putnu infrastrukturu, interesuje me koliko će to biti za područje našeg grada i koji će to projekti biti realizovani, koji kružni tokovi, koje su to saobraćajnice i kada bi se započelo sa radovima.

Odgovor na postavljeno pitanje tražim da mi se saopšti usmeno ili dostavi pisanim putem.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-66/22 od 17.03.2022. godine): Prema našim saznanjima u planu Kantonalne direkcije za ceste ZDK za 2022. godinu na području općine Zavidovići planirana su dva projekta:

- Izgradnja kružne raskrsnice u Zavidovićima na spoju cesta R465 i R467 (Krivaja – ušće) – 300.000,00 KM,
- Modernizacija dijela regionalne ceste R466 Zavidovići – Kamenica - Ponijeri - 250.000,00 KM.

Za redovno održavanje regionalnih cesta predviđeno 5,96 miliona KM, za zimsko održavanje regionalnih cesta 430.000,00 KM, a za obnovu i vanredno održavanje regionalnih cesta 2,93 miliona KM na području Zeniko-dobojskog kantona.

Vaše pitanje je takođe proslijeđeno Kantonalnoj direkciji za ceste a po prijemu odgovora isti ćemo Vam dostaviti.

2. Vijećnik Mirsad Bečić: Od nadležne službe tražim odgovor na pitanje da li je planirana izgradnja mosta na lokalitetu Gvozdeni most, preko rijeke Bosne, kakav je tip mosta, da li je

predviđeno planskim dokumentima, imamo li projektnu dokumentaciju, potrebne dozvole i saglasnosti.

Odgovor na postavljeno pitanje tražim da mi se saopšti usmeno ili dostavi pisanim putem.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-66/22 od 17.03.2022. godine): Usvajanjem Odluke o stavljanju van snage Urbanističkog plana općine Zavidovići („Službeni glasnik Općine Zavidovići“, broj: 9/89, 4/90, 9/90, 7/99, 7/2000, 2/2001, 6/2002, 8/2003, 11/2003 i 5/2006), na 13. sjednici Općinskog vijeća, a koja je objavljena u „Službenom glasniku Općine Zavidovići“, broj: 2/2022, trenutno ne postoji važeća prostorno-planska dokumentacija prema kojoj bi bila moguća izrada investiciono-tehničke dokumentacije i izgradnja mosta na lokalitetu Gvozdeni most.

Izradom prostorno-planske dokumentacije (urbanističkog plana ili regulacionog plana) za navedeno područje u kojem bi bila planirana izgradnja i definisan položaj mosta stvorit će se pretpostavke za izradu investiciono-tehničke dokumentacija.

## 2. VIJEĆNIČKA PITANJA VIJEĆNIKA IGORA ŠIMŠIĆ

1. Vijećnik Igor Šimšić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje koje se tiče informisanja o obezbijeđenju javnosti i transparentnosti rada koje se ogleda u informisanju građana mogućnostima njihovog praćenja sjednica OV-a ?

Obrazloženje vijećničkog pitanja:

Po zahtjevima građana, obraćam se ovim vijećničkim pitanjem i zahtijevam odgovore, na koji način je obezbijeđena javnost i transparentnost rada ovog našeg predstavničkog organa građana koja se ogleda u informisanju i mogućnostima praćenja sjednica od strane građana?

Pojednostavljeno, građani preko nas izabranih vijećnika zahtijevaju od nadležnih da im se omogući praćenje sjednica u vizuelnom i audio obliku, uživo ili reprizirano preko elektronskih akreditovanih medija. U proteklom periodu imali smo ugovore sa medijskim kućama koje su prenosile sjednice OV-a, emitovale ih, reemitovale i imale pohranjene sjednice na svojim medijima koji su bili dostupni široj javnosti. Prema saznanjima, ugovorene obaveze između naše opštine i tih kuća su istekle, pa je bilo i slučajeva nesnimanja, neemitovanja i nereemitovanja medijskog sadržaja nekih od sjednica. Zahtijevamo od nadležnih da nas informišu o trenutnoj situaciji i stanju po ovom pitanju.

Takođe, nadležnim se upućuje pitanje zašto na zvaničnoj internet prezentaciji naše opštine i njenih organa nema postavljena „novijih“ sjednica OV ili njihovih linkova, u meniju koji je aktivan i gdje se nalaze neke od sjednica OV Zavidovići iz prethodnog perioda?

Pitanja se upućuju Opštinskom načelniku, Stručnoj službi OV-a i nadležnim opštinskim službama.

Odgovor na pitanje pored usmenog dostaviti i u pisanom obliku.

S poštovanjem.

Odgovor na vijećničko pitanje (Odgovor je sačinjen od strane Stručne službe općinskog načelnika): Općina Zavidovići i Privredno društvo „SMART TV“ d.o.o. Zavidovići zaključili su ugovor o koprodukciji televizijskog programa za 2022. godinu broj: 02-11-104/22-AP-7 od 27.01.2022. godine. Navedenim ugovorom nije ugovoreno da se snimljeni materijal sjednica Općinskog vijeća Zavidovići emituje u cijelosti putem televizijskog medija, nego da se o

sjednicama Općinskog vijeća Zavidovići sačini i emituje televizijski prilog a koji će se naknadno emitovati. Prenos sjednica Općinskog vijeća Zavidovići bez emitovanja snimaka (direktan prenos) ugovoren je sa Privrednim društvom „Radio 1503“ d.o.o. Zavidovići putem ugovora o koprodukciji radijskog programa za 2022. godinu broj: 02-11-103/22-AP-7 od 20.01.2022. godine.

Objavljivnje snimaka sjednica na službenoj stranici Općine Zavidovići je privremeno obustavljena zbog ograničenog prostora stranice. Stručna služba je razmatrala opravdanost ove kategorije ili njezino ograničavanja na prikazu određenog broja posljednjih snimaka sjednica Općinskog vijeća Zavidovići. Obzirom na izražen interes iznesen u vijećničkom pitanju da se ova kategorija i dalje postoji, pokrenute su aktivnosti da se ova kategorija ažurira i osigura veći memorijski prostor za objavu snimaka.

2. Vijećnik Igor Šimšić: Nije zadovoljan. Može li samo, dopunsko pitanje bi se odnosilo na molbu stručnim ili već kojim službama. Mi u prilogu imamo odgovor na vijećničku inicijativu koja je došla od Ministarstva za prostorno uređenje, promet i komunikacije i zaštitu okoline Zeničko-dobojskog kantona. Tačno je, oni su ovdje dobili fino precizirani u skladu sa zakonskim odredbama, rekli da je izvršena u međuvremenu kategorijazacija ove naše ceste gdje je po inicijativi trebalo da se izvrši zahvat. S obzirom da je inicijativa upućena prije ove izmjene Odluke o kategorizaciji regionalnih cesta, samo bih zamolio stručnu službu nadležnu da li oni sada mogu ovo sve uputiti na nadležnu, odnosno Federalnu direkciju za ceste? Eto toliko.

Odgovor na dopunsko vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-66/22 od 17.03.2022. godine): Prilikom dostavljanja odgovora Kantonalne direkcije za ceste broj: 12-23-17402/21 od 28.01.2022. godine obavješteni ste da je Vaše pitanje već proslijeđeno u nadležnost JP „Ceste FBiH“ d.o.o., te da će Vam odgovor po prijemu biti dostavljen.

Nakon što smo zaprimili odgovor na Vaše vijećničko pitanje od strane JP „Ceste Federacije BiH“ d.o.o. broj: 01-02.2-1379-1/22-AB od 02.03.2022. godine, dana 08.03.2022. godine isti je proslijeđen kao dopuna prethodnog odgovora.

### 3. VIJEĆNIČKO PITANJE VIJEĆNIKA FERIDA KAKNJAŠEVIĆ

Vijećnik Ferid Kaknjašević: Dopunsko pitanje. Evo, ja pozdravljam sve prisutne, predstavnike medija i naše slušaoce. Čini mi se da u mom pitanju koje sam postavio Službi za upravu privrede, lokalni razvoj, infrastrukturu i međunarodne poslove, kao da oni mene nisu razumjeli, a čini mi se da kroz ovaj odgovor ja njih. U principu moja namjera je bila da vidim da li postoje drugi timovi ili drugi ljudi koji rade na pisanju ili projekata ili predlagači investitora ili onih stvari koje bi mogle bit, donijet dobrobit opštini, a da to nije u opisu posla. Ja smatram da u opisu posla, ja sam i dobio odgovor da sistematizacijom radnih mjesta i opisom posla koji rade uposlenici ove službe kroz nekakav, ne znam ni ja tamo 30, pa na 20 evo tačaka opisa njihovog posla. Nisam dobio odgovor da li je to dovoljno, da li oni dovoljno rade na pisanju projekata, odnosno je li na neki način na privlačenju investitora. Ja i dalje mislim da mi trebaju odgovoriti na pitanje, oni su odgovorili da ne postoji potreba, ne postoje posebno formirani timovi za pisanje projekata. Dakle, oni ne postoje. To radi služba. Tako sam razumio, ali nisam dobio odgovor da li postoji potreba za istim? Da li postoji uopšte potreba da se formiraju takvi timovi, ja bih ih rado vidio tamo. Imali smo neke opštine, znam dobro iz iskustva, odlične timove koji su samo sjedili i radili taj posao. Taj dio posla, hvatali lovili, dobro sad nema toga toliko koliko je nekad bilo, a ja bih službu molio da mi samo odgovori na pitanje: „Da li postoji potreba, da li oni u okviru svoje djelatnosti mogu odgovorit ovome zadatku pisanja projekata? A, ja ću dalje u narednom svom radu kroz Vijeće pratiti šta se tu

desilo? Da li je neki projekat prošao da se mi nismo prijavili, da li imamo kvalifikovane ljude koji pišu projekte, ima li, pa su nam neki projekti zbog toga promakli. Ovdje kad je bilo predavanje o vodovodu je li, kad je bila ona sesija ovdje radionica, vi dobro ste vidjeli prisutni koji ste bili da u principu većina onih stvari u vodovodnoj mreži da bi se mijenjala unapređenju vodovoda i kanalizacije u velikom procentu učešće međunarodne odnosno međunarodnih projekata je apliciranje na međunarodne projekte. Moja intencija je ustvari bila to. Ako smo se razumjeli. Hvala.

Odgovor na dopunsko vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-66/22 od 17.03.2022. godine): Unutar Općine Zavidovići, kao i u okviru općinskih službi za upravu ne postoje posebno formirani timovi za pisanje projekata, jer smatramo da ne postoji potreba za formiranje posebnih timova iz razloga što bi ti timovi obuhvatali zaposlenike koji već rade takve poslove u okviru svog redovnog posla i raspoloživih kapaciteta. Također, Općina Zavidovići je osnovala Razvojnu agenciju Zavidovići koja treba da nadopunjuje nedostajuće kapacitete Općine.

Međutim, ukoliko se pojave atraktivni projekti, za čije apliciranje su neophodne posebne vještine i dodatni kapaciteti Općina Zavidovići u svakom slučaju može imenovati ad-hoc tim koji može biti sastavljen od zaposlenika Općine i spoljnih saradnika.

#### 4. VIJEĆNIČKA PITANJA VIJEĆNIKA HARISA HODŽIĆ

1. Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Tražim od nadležne službe da nam dostave informacije o provedenim licitacijama prodaje općinskih nekretnina od 2016. godine do danas?

Direktno pitanje: Tražim od nadležne službe da nam dostave informacije o provedenim licitacijama prodaje općinskih nekretnina od 2016. godine do danas sa naznakom koliko je bilo prijavljenih licitatora pri svakoj prodaji, ko su kupci navedenih građevina, po kojoj cijeni je izvršena prodaja nekretnina i koja je bila početna cijena svake pojedinačne nekretnine.

Odgovor na ovo pitanje treba da sadrži sljedeće informacije: nekretnina-predmet prodaje, početna cijena, broj prijavljenih na licitaciji, broj odustalih od licitacije, konačna prodajna cijena nekretnine i ime kupca-novog vlasnika nekretnine.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu geodetskih, imovinskopravnih poslova i urbanizam, broj: od 17.03.2022. godine): Odredbama Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova („Službene novine F BiH”, broj: 17/2014) propisano je da postupke licitacije sprovodi komisija za sprovođenje javnog nadmetanja koju imenuje nadležni organ. Sprovođenje javnog nadmetanja –licitacije za prodaju nekretnina u vlasništvu Općine Zavidovići sprovodi Komisija koju imenuje Općinsko vijeće, a koja se sastoji od predsjednika, dva člana i njihovih zamjenika. Navedena Komisija o sprovedenim postupcima licitacije dostavlja šestomjesečne i godišnje izvještaje Općinskom vijeću, a u kojim izvještajima su sadržane sve tražene informacije. Dakle Služba za upravu geodetskih, imovinskopravnih poslova i urbanizma samo priprema Prijedlog odluke o načinu i uslovima

javne prodaje nekretnina u vlasništvu Općine Zavidovići i prijedloge oglasa o prodaji nekretnina, a postupak licitacije - sprovodi Komisija za sprovođenje javnog nadmetanja – licitacije za prodaju nekretnina u vlasništvu Općine Zavidovići. Iz navedenog smatramo da se tražene informacije mogu dobiti u Stručnoj službi općinskog vijeća.

2. Vijećnik Haris Hodžić: Dopunsko. Ja sam na prošloj sjednici Općinskog vijeća postavio tri pitanja. Gledajući iz zapisnika, evo tražeći odgovore od strane građana primijetio sam da nisam dobio odgovor na jedno vijećničko pitanje, pa ću iskoristiti priliku da ga ponovo postavim i nadam se da će Stručna služba dostaviti to pitanje do idućeg Općinskog vijeća, a pitanje je sljedeće: Zašto još uvijek nije realizovan Zaključak Općinskog vijeća 1348/19 od 26.06.2019. godine sa sljedećim obrazloženjem: Još na 36. redovnoj sjednici Općinskog vijeća Zavidovići održanoj 26.06.2019. godine Općinsko vijeće zadužilo je Općinskog načelnika i nadležne službe za realizaciju Inicijative za donošenje Odluke o izradi građevinske dokumentacije za građenje pješačkog trotoara i ucjevljenje otvorenih kanala u Ulici Jusufa Polića Ribara. Tražim od nadležne Općinske službe i Općinskog načelnika da nam dostavi Informaciju u kojem statusu je realizacija Zaključka i kada građani ove ulice mogu očekivati izvođenje radova, te izgradnju pješačkog trotoara.

Odgovor na dopunsko vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-66/22 od 17.03.2022. godine): Gradnja pješačkog trotoara i ucjevljenje otvorenih kanala u ulici Jusufa Polića Ribara je u nadležnosti Kantonalne direkcije za ceste jer ista čini dio regionalne ceste Zavidovići – Kamenica – Ponjeri - Kakanj, Općina Zavidovići nije iznašla dodatne budžetske mogućnosti za finansiranje ovog projekta, imajući u vidu potrebe za finansiranje cesta koje su u direktnoj nadležnosti Općine.

Članom 13. Zakona o cestama FBiH („Službene novine FBiH“, broj: 12/2010, 16/2010 i 66/2013) određeno je da upravljanje, građenje, rekonstrukciju, održavanje i zaštitu regionalnih cesta vrše javne kantonalne ustanove za ceste.

Takođe članom 32. istog zakona definisano je sljedeće:

*„Nadležni općinski, odnosno gradski organi mogu tražiti da se magistralna ili regionalna cesta koja prolazi kroz naselje ili grad izgradi ili rekonstruiše sa elementima koji utiču na povećanje troškova gradnje u odnosu na cestu izvan naselja kao što su veća širina kolovoza, gradnja trotoara, prostora za parkiranje vozila, izrada rasvjete i prilagođavanje putnih objekata posebnim potrebama.*

*Povećane troškova gradnje ili rekonstrukcije cesta prouzrokovanih zahtjevom iz stava 1. ovog člana snosi podnosilac zahtjeva u visini sredstava u skladu sa ugovorom o sufinansiranju.*

*Učestvovanje u finansiranju radova iz stava 1. ovog člana, kao i drugi odnosi sa upraviteljem ceste u vezi sa gradnjom i rekonstrukcijom, reguliraju se ugovorom sa nadležnim općinskim, odnosno gradskim organom.“*

Dakle, imajući u vidu navedene članove zakona Općina Zavidovići ne može provoditi projekte ove vrste, već može samo učestvovati u finansiranju / sufinansiranju istih, dok nosilac posla mora biti Kantonalna direkcija za ceste.

## 5. VIJEĆNIČKA PITANJA VIJEĆNIKA SAMIRA SKEJIĆ

1. Vijećnik Samir Skejić: Zamolio bih menadžment JP ŠPD da nam dostavi informaciju zašto i po kojem članu zakona dopuštaju sebi pravo da devastacijom šumskih puteva preveniraju krađu ogrevnog drveta naročito u zoni koja je od interesa za razvoj planinskog turizma. Mislimo da se činjenjem štete ne može sprečavati počinjenje neke druge štete i da nadležno preduzeće mora poduzeti značajnije korake na zaštiti šumskog dobra.



Pitanje: Zamolio bih menadžment JP ŠPD d.o.o. Zavidovići da nam dostavi informaciju koliko je ogrevnog i tehničkog drveta otuđeno tokom 2021. godine kao i informaciju u kojem obimu je rađena zapljena otuđenog drveta i kakva je procedura njegovog zbrinjavanja i eventualnog legaliziranog stavljanja u promet nelegalno posjećenog drveta.

Pitanje: Zamolio bih menadžment JP ŠPD da nam dostavi informaciju kojom dinamikom teče program pošumljavanja nepošumljenih površina, informaciju o pošumljenim zonama u promaklom desetogodišnjem periodu kao i informaciju koliko je uništeno neupotrijebljenog sadnog materijala u „Rasadniku“ u promaklom desetogodišnjem periodu.

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova): Nadležna služba nije dostavila odgovor na vijećničko pitanje.

2. Vijećnik Samir Skejić: Zamolio bih nadležnu općinsku službu za informaciju u kojoj fazi su pripreme za planiranu etažnu nadgradnju zgrade Općine.

Odgovor na vijećničko pitanje (Odgovor je sačinjen na osnovu akta Službe za upravu geodetskih, imovinsko-pravnih poslova i urbanizam): Nadležna služba nije dostavila odgovor na vijećničko pitanje.

3. Vijećnik Samir Skejić: Rekao sam zadovoljan sam na odgovoreno pitanje, ali nisam zadovoljan na neodgovorena pitanja. Postavio sam čitav set pitanja i vjerujem da se to priprema za naredne sjednice. Hvala.

Zamolio bih nadležnu općinsku službu da nam dostavi informaciju o tačnom broju parking mjesta u zoni neposredno uz stambene zgrade kao i da nas izvijesti o praksi plaćanja poreskih i komunalnih usluga u „Izletištu Kamenica“.

Odgovor na vijećničko pitanje – 13. sjednica Općinskog vijeća (Odgovor je sačinjen na osnovu akta Služba za upravu privrede, lokalni razvoj, infrastrukturu i međunarodnu saradnju, broj: 03-45-10-76/22 od 23.03.2022. godine):

Dio pitanja koji se odnosi na informaciju o broju parking mjesta u zoni neposredno uz stambene zgrade:

R.br.	Naziv ulice	Mjesto parking prostora Ulica	Broj parking mjesta
1.	15. septembar	15. septembar zgrade sa ravnim krovom (kod općinskih garaža)	5
2.	Abdulvehaba Ilhamije	Abdulvehaba Ilhamije kod zidanih zgrada u Novom naselju	10
3.	Alije Izetbegovića	Alije Izetbegovića ispod lamele KLEK	46
4.	Alije Izetbegovića	Alije Izetbegovića preko puta lamele KLEK	12
5.	Alije Izetbegovića	Alije Izetbegovića od raskrsnice Husein-kapetana Gradašćevića do raskrsnice Safvet-bega Bašagića	34

6.	Alije Izetbegovića	Ispred zgrade Šumarstva	35
7.	Alije Izetbegovića	Iza samoposluge Planet	12
8.	Alije Izetbegovića	Ispod gradske tržnice	10
9.	Alije Izetbegovića	Alije Izetbegovića preko puta Pošte	38
10.	Alije Izetbegovića	Ispod ABC blokova	23
11.	Dobrovoljnih davalaca krvi	Dobrovoljnih davalaca krvi Naselje stadion kod parka	11
12.	Dobrovoljnih davalaca krvi	Dobrovoljnih davalaca krvi Naselje stadion ispred apoteke	7
13.	Dobrovoljnih davalaca krvi	Dobrovoljnih davalaca krvi iza Sirana	12
14.	Gazi Husrev-bega	Iznad Doma zdravlja	10
15.	Husein-kapetana Gradašćevića	Husein-kapetana Gradašćevića preko puta zgrade IBIS	26
16.	Husein-kapetana Gradašćevića	Husein-kapetana Gradašćevića iza Parnjače I	8
17.	Husein-kapetana Gradašćevića	Husein-kapetana Gradašćevića ispred Parnjače II	6
18.	Husein-kapetana Gradašćevića	Husein-kapetana Gradašćevića preko između Parnjače i ŠPD-a	43
19.	Husein-kapetana Gradašćevića	Husein-kapetana Gradašćevića ispod Naselja Gaj	5
20.	Husein-kapetana Gradašćevića	Husein-kapetana Gradašćevića zgrada gdje DOM PROJEKT	15
21.	Husein-kapetana Gradašćevića	Husein-kapetana Gradašćevića zgrada gdje CONSTRUCT PROJEKT	8
22.	Mehmed-paše Sokolović	Mehmed-paše Sokolovića preko puta spomen kuće	7
23.	Mehmed-paše Sokolović	Mehmed-paše Sokolovića jednosmjerna ulica Naselje Gaj	15
24.	Prvomajska	Prvomajska od raskrsnice ulica Alije Izetbegovića do ulaza za tržnicu	5
25.	Prvomajska	Prvomajska pored Planike	3

26.	Prvomajska	Prvomajska pored kafane Korzo	7
27.	Prvomajska	Prvomajska ispred optike Dizdarević	4
28.	Prvomajska	Prvomajska ispred Žepačke	12
29.	Prvomajska	Prvomajska iza Žepačke	21
30.	Prvomajska	Prvomajska iza Mostarke	16
31.	Prvomajska	Prvomajska preko puta Gradskog vrtića, Naselje Gaj	19
32.	Prvomajska	Prvomajska iza bivše radio stanice	7
33.	Stjepana Radića	od raskrsnice ul.Sarajevska u pravcu Podhodnika	16
34.	Ulica 8. marta	Naselje Sutjeska	32
35.	Branilaca grada	Naselje Sutjeska	28

Dio pitanja koji se odnosi na plaćanje poreskih i komunalnih usluga na izletištu Kamenica nije u nadležnosti Službe za upravu privrede, lokalni razvoj, infrastrukturu i međunarodnu saradnju, te je isto proslijeđeno u nadležnost Poreskoj ispostavi Zavidovići u dijelu koji se odnosi na plaćanje poreza.

4. Vijećnik Samir Skejić: Zamolio bih sanitarnu inspektoricu da nam dostavi valjanu informaciju zašto se rješenje o izolaciji osobama oboljelim od Covid infekcije dostavljaju s nedopustivim kašnjenjima od po pet do šest dana. Podsjećam vas da kašnjenja u pripremi rješenja imaju svoje nepovoljne konzekvence na rad medicinskog osoblja Doma zdravlja.

Odgovor na vijećničko pitanje – 13. sjednica Općinskog vijeća (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: od 15.02.2022. godine): Na poslovima Sanitarne inspekcije Općine Zavidovići radi jedan sanitarni inspektor. U toku mjeseca januara 2022. godine je sačinjeno i proslijeđeno oko 1020 rješenja o samoizolaciji, dnevno je bilo i do 100 potvrđenih slučajeva Covid 19.

Sanitarna inspekcija u tom periodu je radila i subote i nedjelje kako ne bi došlo do navedenog problema (kašnjenja rješenja).

Sva rješenja ovog organa su sačinjena i proslijeđena na vrijeme i na uobičajan način odnosno putem pošte i službenog lica za poslove dostavljanja pošte. Međutim, zbog velikog broja rješenja te lica za dostavu koja su također bila u izolaciji u tom periodu, došlo je do nešto sporije dostve pošte.

5. Vijećnik Samir Skejić: Zamolio bih menadžment Doma zdravlja da nas izvijesti o pojavi nelegalnih oblika medicinske djelatnosti na nivou općine i da nam dostave informaciju šta su i kada poduzeli na provjeri legaliteta medicinske prakse koja se odvija u takozvanim „kućnim posjetama“. Podpitanje: zamolio bih za odgovor zašto pacijenti plaćaju administrativne takse na izdavanje pojedinih nalaza, zašto plaćaju taksu pri vakcinaciji protiv sezonske gripe i zašto kupuju injekcione lijekove za čiju nabavku se staraju Domovi zdravlja.

Podpitanje: zamolio bih za informaciju kojom je zakonskom regulativom dopušteno zasnivanje apoteke pod krovom Doma zdravlja.



Odgovor na vijećničko pitanje – 13. sjednica Općinskog vijeća (Odgovor je sačinjen na osnovu akta Služba za upravu društvenih djelatnosti, pitanja boraca i opću upravu, broj: od 02.03.2022. godine): U skladu sa .navedenim, u prilogu ovog akta dostavljamo odgovor JU „Dom zdravlja“ Zavidovići, broj: 01-2.08-785/22 od 18.02.2022. godine, koji se odnosi na pitanja i potpitanja vijećnika Samira Skejića sa 13. sjednice Općinskog vijeća.

6. Vijećnik Samir Skejić: Zamolio bih nadležnu opštinsku službu da nam za internu upotrebu dostavi spisak svih uposlenika Općine kao i njihove profesionalne reference . Mislimo da podaci ove vrste ne trebaju bit stroga tajna i da su neophodni za inegrisaniji rad OV-a.

Odgovor na vijećničko pitanje – 13. sjednica Općinskog vijeća (Odgovor je sačinjen na osnovu akta Stručne službe općinskog načelnika, broj: 02-45-9/22-AP -22 od 16.02.2022. godine): U prilogu ovog akta dostavljamo Vam spisak svih zaposlenih u Općini Zavidovići sa vrstama školske spreme (103 zaposlena), osim Općinskog načelnika koji je izabrani zvaničnik.

S poštovanjem

Dostavljeno:

1. Naslovu,
2. U spis.

OPĆINSKI NAČELNIK

Dr. sci. Hašim Mujanović

Obradio: \_\_\_\_\_  
(Nermin Čahtarević)